

EDICTE

deth Conselh Generau d'Aran, sus era convocatòria de subvencions en airau d'espòrts entar an 2016.

Eth Conselh de Govèrn deth Conselh Generau d'Aran de data 2 de hereuèr de 2016 a aprovat era convocatòria entara concession de subvencions en airau d'espòrts entar an 2016. Es determinacions basiques dera convocatòria son es següentes:

Normativa reguladora:

Bases especificas d'autrejamet de subvencions en airau d'espòrts entar an 2016.

Crèdit pressupostari:

Era despena d'aguesta convocatòria anarà a cargue dera partida 01.341.489.00 deth pressupòst deth Conselh Generau d'Aran.

Objècte, condicions e finalitat:

Era concession d'ajudes e subvencions economiques qu'autrege eth Conselh Generau d'Aran en airau d'espòrts ena Val d'Aran.

Er àmbit temporau d'execucion des activitats a realizar comprendreà eth tèrme comprenut entre er 1 de gèr de 2016 e eth 31 de deseme de 2016.

Règim d'autrejamet:

Concurrència competitiva.

Requisits des beneficiaris entà sollicitar era subvencion:

Es que mèrquen es apartats 4 e 5 des bases especificas.

Organs competents entara instruccion e resolucion deth procediment:

Era instruccion se realizarà per part deth Departament d'Espòrts deth Conselh Generau d'Aran, e serà eth Conselh de Govèrn deth Conselh Generau d'Aran qui resolverà era convocatòria mejançant resolucion motivada.

Tèrme de presentacion de sollicituds.

Enquiath 2 de mai de 2016.

Tèrme de resolucion e notificacion:

Dus (2) mesi des dera finalizacion deth tèrme de presentacion de sollicituds.

Documentacion e informacion qu'aurà d'inclodir era peticion:

Se determinen en article 7au des bases especificas.

Critèris d'avaloracion des sollicituds:

Se determinen en article 9au des bases especificas.

Regim de recorsi:

Er acòrd de resolucion dera convocatòria met fin ara via administrativa.

Mieis de publicitat:

BOP de Lleida e ena sedença electronica deth Conselh Generau d'Aran.

Publicitat des bases.

Es bases especificques entara convocatòria de subvencions en airau d'espòrts entar an 2016 publicades damb aguesta convocatòria se sotmeten a informacion publica per tèrme de vint (20) dies, a compdar de londeman ara publicacion d'aguest anunci en BOP, en pannèu d'anoncis e ena sedença electronica dera Corporacion, ar efècte qu'es persones interessades poguen examinar-lo e presentar possibles reclamacions e/o allegacions. Se passat aguest tèrme non s'an presentat reclamacions ne allegacions en contra, aquestes bases s'enteneràn definitivament aprovades sense besonh d'ulterior acòrd.

**BASES ESPECIFIQUES ENTARA CONCESSION DE SUBVENCIONS EN
AIRAU D'ESPÒRTS ENTAR AN 2016.**

Article 1. *Objècte.*

Er objècte d'aguestes bases ei regular era concession d'ajudes e subvencions economics qu'autrege eth Conselh Generau d'Aran en airau d'espòrts ena Val d'Aran.

Article 2. *Procediment.*

Eth procedement de concession d'aguestes subvencions se tramite en regim de concurrència competitiva, mejançant era aprobacion e publicacion dera convocatòria corresponenta e cossent damb es principis de publicitat, transparéncia, concurrència, objectivitat, igualtat, non discriminacion, eficàcia e eficiéncia. Era gestion des expedients d'autrejament d'aguestes subvencions correspon ath Departament d'Espòrts deth Generau d'Aran e, era sua resolucion, ara aprobacion der expedient per part dera Comission de Subvencions deth Conselh Generau en session deth Conselh de Govèrn, prealable informe deth Departament d'Espòrts.

Article 3. *Activitats subvencionables.*

- a. Activitats de foment der espòrt ena Val d'Aran.
- b. Organizacion d'eveniments esportius ena Val d'Aran.
- c. Activitats des associacions que realizen o programen activitats esportives e de competicion.

Entà poder recéber ajudes deth Conselh Generau d'Aran, es pròves esportives e d'auti eveniments de caracteristiques similares, auràn d'èster admetudes en calendari oficiau d'activitats deth Conselh Generau d'Aran. Per açò, calerà complir es següents requisits:

- Er organizador serà ua entitat, non pas ua persona fisica.
- Calerà presentar era sollicitud (segontes eth formulari establít) e era documentacion damb totes es donades, coma minim damb tres (3) mesi d'auança ara celebracion der eveniment, exceptat de casi degudament justidicadi.
- Non coincidir damb cap d'auta pròva o eveniment esportiu de caracteristiques similares que s'amie a tèrme en madeish moment. En aguest cas, era pròva qu'age

realizat mès edicions contunhades anteriores ar an en qüestion aurà era prioritat de dates.

Se consideraràn despenes subvencionables aqueres que de forma indubitada responguen ara naturalesa dera activitat subvencionada e resulten estrictament de besonh. Laguens d'aguestes despenes s'includissen es despenes financères, es despenes d'assessoria juridica o financèra e es despenes d'administracion especifics, tostemp e quan estonguen directament relacionats damb era activitat subvencionada e siguen indispensables entara adequada preparacion o execucion d'aguesta.

Article 4. *Impòrt des subvencions.*

Era quantia dera concession serà era resultanta dera valoracion e ponderacion des peticions, era distribucion dera consignacion pressupostària dera partida corresponenta entre eth nombre de sollicituds presentades e en foncion deth pressupòst elegible, en tot auer en compte que non pòden superar es 5.000,00 €.

Se poderàn autrejjar subvencions enquiath 75% deth còst dera activitat. Non se subvencionaràn mès de dues peticions per entitat laguens d'aguesta linha de subvencions.

Aguesta linha de subvencions ei compatible damb d'autres subvencions, ajuts, ingrèssi o recorsi entara madeisha finalitat, tostemp e quan er impòrt de totes ères non supèrè eth còst dera activitat subvencionada.

Aguesta linha de subvencions ei incompatible damb d'autres subvencions, ajuts, ingrèssi o recorsi entara madeisha finalitat autrejats peth Conselh Generau d'Aran o organismes qu'en depenen.

Article 5. *Beneficiaris.*

Poderàn accedir ad aguestes subvencions aqueres associacions, fondacions, persones juridiques e d'autres entitats culturals que participen o amien a tèrme quinsevolh des activitats objècte d'èster subvencionades damb domicili en Aran e excepcionament, es entitats publicques o privades qu'a despiet d'èster domiciliades dehòra d'Aran, realizen activitats esporadiques en Aran entara difusion e dinamizacion culturau ena Val d'Aran. Entà toti es casi previsti en aquest article, serà requisit indispensable entà poder èster beneficiaris de subvencions qu'es sollicitants non agen ànim de lucre.

Article 6. *Requisits e obligacions des beneficiaris.*

- a) Complir er objectiu, executar eth projècte, realizar era activitat o adoptar eth comportament que fonamente era concession dera subvencion.
- b) Justificar dauant deth Conselh Generau d'Aran eth compliment des requisits e es condicions, e tanben era realizacion dera activitat e eth compliment dera finalitat que determinen era concession o eth gaudi dera subvencion.
- c) Sotmeter-se as actuacions de comprobacion que s'establisquen per part deth Conselh Generau d'Aran, atau coma quinsevolha auta comprobacion e contròtle financer que poguen amiar a tèrme es organs de contròtle competents, tant nacionaus coma comunautaris, e aportar tota era informacion que les sigue requerida en exercici des actuacions anteriores.
- d) Comunicar ath Conselh Generau d'Aran, en quinsevolh moment e en tot cas abans dera justificacion dera aplicacion des hons, era obtencion d'autres subvencions, ajuts o ingrèssi que financien es activitats subvencionables.

- e) Acreditar, en moment de presentar era sollicitud, qu'ei ath corrent deth compliment des sues obligacions tributàries, ath dauant dera Seguretat Sociau e deth Conselh Generau d'Aran, mejançant era presentacion des certificats corresponents de data non superior as 6 mèsi dera data de sollicitud, o ben autorizant ath Conselh Generau d'Aran de manèra expressa entà obtier de manèra dirècta era acreditacion d'aguesta circumstància mejançant es oportuns certificats telematics.
- f) Dispausar des libres compdables, registres diligenciats e d'auti documents degudament auditats cossent damb era legislacion mercantila e sectorial aplicabla ath beneficiari en cada cas, atau coma toti es estats compdables e registres especifics que le siguen exigibles.
- g) Conservar es documents justificatius dera aplicacion des hons recebuts, includidi es documents electronics, tostemp e quan puguèn èster objècte des actuacions de comprobacion e contròtle.
- h) Adoptar es mesures de difusion entà dar era adequada publicitat deth caractèr public deth finançament de programes, activitats o actuacions que siguen objècte de subvencion, enes tèrmes establidi en aquestes bases.
- i) Dar compliment ara Lei 19/2014, de 29 de deseme, de transparéncia, accés ara informacion publica e bon govèrn enes tèrmes en que le sigue aplicable.

Article 7. Sollicituds.

Era documentacion a presentar serà era següenta.

- a) Sollicitud de subvencion degudament ramplida disponible en www.aran.org, que se pòt presentar en Registre Generau, atau coma per quinsevolh d'aute des mieis que previe er article 38.4 de la Lei 30/1992, de 26 de noveme, de regim juridic des administracions puliques e deth procediment administratiu comun segontes modèl normalizat en quau aurà de constar:
 - 1. Declaracion de que non existís cap causa de proïbicion entà percéber era subvencion.
 - 2. Declaracion qu'accepte es presentes normes, era subvencion que se li pogue autrejar atau coma es condicions que se'n deriven, en cas que li sigue concedida.
 - 3. Declaracion responsabla sus eth compliment des obligacions tributàries e damb era Seguretat Sociau.
 - 4. Era autorizacion ath Conselh Generau d'Aran entà poder sollicitar, per mieis telematics, es certificacions d'èster ath corrent deth compliment des obligacions tributàries, dera Seguretat Sociau e deth Conselh Generau d'Aran.
- b) Brèu memòria dera activitat que se preten sigue subvencionada peth Conselh Generau d'Aran. En cas de pròves esportives e d'auti eveniments de caracteristiques similares calerà aportar:
 - Projècte der eveniment que recuelhe, coma minim es següents aspèctes:
 - Persona responsabla e dades de contacte.
 - Organigrama, damb foncions e persones responsables de cada aspècte.
 - Besonh organizatiu e entitats que les cobrissen.
 - Pressupòst aproximat (damb ingrèssi e despenes).
 - Informacion d'oraris e descripcion dera activitat.

- Certificat emetut pera entitat organitzadora on figure eth cargue e es nòms, cognòms e DNI dera persona que presente era documentacion e qu'actuarà coma unic interlocutor damb eth Conselh Generau d'Aran.
 - Certificat emetut pera federacion o entitat corresponenta d'inclusion dera pròva en sòn calendari oficiau, se procedís, e des requeriments logistics qu'era normativa dera competicion exigisque ar organizador.
 - Autorizacion expressa deth titular dera installacion on se desvolupe era activitat. En cas d'èster ena via publica urbana, er ajuntament corresponent, e en cas d'èster en via interurbana, des autoritats de transit corresponents.
 - Assegurança de responsabilitat civila vigenta o certificat corresponent on s'especifique qu'era entitat a cobèrta era activitat.
 - Aportacion d'ua garantia o aval en assegurament des possibles danhs produsidi en entorn urban e naturau e er abandonament de materials, senhalizacions, residus o lordèrs, etc... en lòc, recorrut o circuit a on se realize era pròva. En cas de qu'era organizacion non s'encuedèsse de suenhar aquest aspecte, s'executarà er aval e es impòrts avaladi seràn destinadi ara reposicion ath sòn anterior bon estat. Er impòrt d'aquest aval serà d'un 5% deth pressupòst dera pròva, damb un mínim de 300,00 €. Eth lheuament der aval s'acordarà per part deth Conselh Generau d'Aran quan s'age acreditat eth bon estat deth lòc, circuit o recorrut per part dera organizacion.
 - Autorizacion deth Servei Català de Trànsit dera pròva esportiva a realizar.
- c) Còpia dera targeta d'identificacion fiscau dera entitat sollicitanta.
- d) Còpia deth document d'identificacion dera persona sollicitanta.
- e) Còpia des estatuts vigents e deth document acreditatiu dera inscripcion en Registre d'Entitats corresponent dera Generalitat de Catalunya, se procedís.
- f) Document de transferéncia bancària entath pagament dera subvencion segontes modèl deth Conselh Generau d'Aran.

En cas qu'era documentacion presentada sigue incorrècta o incompleta, se sollicitarà qu'esmene o complete pendent un tèrme de 10 dies en tot avisar que s'incomplís eth tèrme establít, er expedient s'archivarà sense cap tramit posterior.

Es entitats que s'agen presentat anteriorament ara convocatòria d'aquesta linha d'ajuts restaràn exempts de presentar era documentacion des apartats c), d) e) e f) tostemp e quan còsten ena documentacion presentada e es donades non agen variat.

Article 8. Tèrme.

Es sollicituds de subvencion se poderàn presentar laguens des tèrmes que s'establisquen en acòrd de convocatòria d'aguestes subvencions.

Article 9. Critèris d'avaloracion des sollicituds.

- a) Importància o interès dera activitat a realizar. 20 punts
- b) Trajectòria e continuïtat esportiva dera entitat sollicitanta. 5 punts
- c) Activitat que fomenta era activitat esportiva base. 15 punts
- d) Repercussion nombre de participaires. 10 punts

Article 10. *Comission qualificadora.*

Entara avaloracion des peticions presentades s'establís ua Comission qualificadora cossent damb era basa 13 des bases generaus d'autrejament de subvencions deth Conselh Generau d'Aran que serà integrada per:

- 1 representants der airau d'Espòrts.
- 1 representant dera Escòla de Tecnicos Esportius dera Val d'Aran.
- 1 representant dera Secretaria generau deth Conselh Generau d'Aran.

Article 11. *Tèrme d'execucion e justificacion des actuacions.*

Es actuacions entàs quaus s'age obtingut era subvencion s'auràn d'executar laguens der an naturau dera aprobacion dera convocatòria.

Eth tèrme maxim de justificacion des actuacions realizades serà enquiath 30 de noveme de 2016, exceptat d'aquères actuacions realizades entre er 01/12/2016 e eth 31/12/2016 que s'auran de justificar abans deth 31 de gèr de 2017.

En cas que non se pogue justificar laguens d'aguest tèrme, eth benefici poderà demanar proròga de tres (3) mesi, que s'autrejarà o desestimarà, prealabla avaloracion dera peticion mejançant resolucio motivada.

Article 12. *Tramitacion e concessio des subvencions.*

Era instruccio des sollicituds presentades correspon ath Departament d'Espòrts.

Un còp avalorades es sollicituds per comission qualificadora damb indicacio dera quantia que se prepausa, aquestes sollicituds seràn informades pera Intervencio deth Conselh Generau d'Aran sus era existéncia de crèdit disponible, adequat e sufisent.

Finalizada era instruccio, eth Conselh de Govèrn deth Conselh Generau d'Aran resolverà era convocatòria mejançant resolucio motivada.

Article 13. *Reformulacion des sollicituds.*

Abantes de formular era prepausa der acòrd d'autrejament e tostemp qu'era subvencion que se preveigue autrejar sigue inferiora ara demanada, era entitat sollicitanta, per iniciativa pròpria o a demana deth Departament d'Espòrts poderà demanar era reformulacion dera sollicitud.

Era reformulacion aurà coma objectiu ajustar es compromisi e es condicions dera subvencion, damb especiau referéncia ath pressupòst dera actuacio que se prevé realizar.

Article 14. *Tèrme maxim de resolucio.*

Eth tèrme maxim entà resòlver e notificar era resolucio deth procediment de concessio de subvencions ei de dus (2) mesi, a despiet qu'ua norma de rang legau establisque un tèrme superior o que sigue previst ena normativa dera Union Europèa. Aguest tèrme se compute a compdar dera finalizacio deth tèrme de presentacio de sollicituds.

Era manca de resolucio en aquest tèrme maxim a efèctes desestimatois des sollicituds, mès non eximis ath Conselh Generau d'Aran de resòlver expressament aquest procediment.

Article 15. *Publicacions des acòrds de concession des subvencions.*

Cossent damb çò que dispausa era basa 20 dera ordenança generau d'autrejamet de subvencions deth Conselh Generau d'Aran, es subvencions autrejades se publicaràn en BOP de Lleida.

Article 16. *Liurament des subvencions.*

Er impòrt des subvencions se liurarà as entitats beneficiàries prealabla justificacion dera despena e damb informe favorable per part deth Departament d'Espòrts sus era realizacion dera activitat subvencionada, e damb informe dera Intervencion deth Conselh Generau d'Aran sus era justificacion presentada.

Article 17. *Justificacion dera execucion dera actuacion. Impòrt a justificar.*

Er impòrt dera despena subvencionable que s'a de justificar serà eth que se determine coma pressupòst dera actuacion en acòrd d'autrejamet.

S'executada era actuacion, er impòrt des despenes subvencionables ei inferior ath que se determinèn en acòrd d'autrejamet, eth beneficiari, en moment de presentacion dera justificacion poderà sollicitar addicionaument era reduccion deth pressupòst dera actuacion e eth mantienement integre dera subvencion mejançant modèl normalizat deth Conselh Generau d'Aran.

Prealabla avaluacion deth compliment dera finalitat de subvencion, eth Conselh Generau d'Aran redusirà er impòrt deth pressupòst dera actuacion damb eth mantienement integre dera subvencion o en cas contrari liurarà ath beneficiari era subvencion damb era reduccion que resulte d'aplicar eth percentatge deth pressupòst dera actuacion ar impòrt dera subvencion autrejada.

Article 18. *Justificacion dera actuacion. Documentacion.*

Es documents que calerà presentar coma justificacion seran es factures e d'auti documents de valor probatòri equivalent (originals o còpies compulsades) qu'auran d'anar a nòm deth beneficiari dera subvencion, er IVA des justificants quedarà excludit dera subvencion s'eth beneficiari non ei un consumidor finau e se le pòt deduir.

Es documents acreditatius dera execucion auràn d'auer ua data d'expedicion que se correspongue damb er an naturau d'aprobacion dera convocatòria.

Aguesta documentacion anarà acompanyada d'ua declaracion responsabla deth beneficiari, segontes modèl facilitat peth Conselh Generau d'Aran, en relacion as aspèctes d'execucion, còst totau e finançament dera actuacion (damb indicacion des recorsi pròpris e diferents ajudes obtingudes), presentacion de justificants en d'auti ajuts d'administracions publicques e compliment des compromisi de publicitat.

Cossent damb er article 31 dera Lei 38/2003, de 17 de noveme, Generau de Subvencions, se considerarà despena realizada encara qu'aguesta non age estat efectivament pagada en moment dera justificacion.

Article 19. *Publicitat des actuacions.*

Enes accions de difusion des activitats subvencionades, eth beneficiari aurà de hèr a constar eth supòrt/collaboracion deth Conselh Generau d'Aran.

Article 20. *Invalidesa, modificacion e reintegrament des subvencions.*

Per çò que tanh ad aguesti aspèctes, s'estarà a çò que dispausa eth capítol V des Bases generaus d'autrejamet de subvencions deth Conselh Generau d'Aran

Article 21. *Normativa supletòria.*

En tot çò non previst en aquestes bases especificas seràn d'aplicacion es Bases Generaus d'autrejamet de subvencions deth Conselh Generau d'Aran, era Lei 38/2003, de 17 de noveme, Generau de Subvencions, e eth Reiau Decrèt 887/2006, de 21 de junhsèga, peth quau s'apròve eth Reglament dera Lei Generau de Subvencions.

Article 22. Transparéncia e bon govèrn.

Er article 55.2 dera Lei deth Parlament de Catalunya 19/2014, de 29 de deseme, de Transparéncia, Accés ara Informacion e Bon Govèrn, dispause qu'es administracions e es organismes comprenudi en ambit d'aplicacion d'aquesta lei an d'inclodir, enes bases de convocatòria de subvencions o ajuts, es principis etics e es regles de conducta as quaus an d'adequar era activitat es persones beneficiàries, e an de determinar es efèctes d'un eventuuu incompliment d'aquesti principis. As efèctes de dar compliment ara nomentada obligacion legau s'informe que:

1. Es persones beneficiàries adoptaràn ua conducta eticament exemplara e actuaràn entà evitar era corrupcion en quinsevolha de totes es sues possibles formes.
2. En aquest sentit –e ath marge d'aqueri auti deures vinculadi ath principi d'actuacion nomentat en punt anterior, derivats des principis etics e des regles de conducta as quaus es persones beneficiàries an d'adequar era sua activitat– assumissen particularament es obligacions següentes:
 - a) Comunicar immediatament ath Conselh Generau d'Aran es possibles situacions de conflicte d'interèssi.
 - b) Non sollicitar, directament o indirectament, qu'un cargue o empleat public influsque en autrejamet dera subvencion.
 - c) Non aufrir ne facilitar a cargues o empleats publics avantatges personaus o materiaus, ne per eri madeishi ne entà persones vinculades damb eth sòn entorn familiar o sociau.
 - d) Non realizar quinsevolha auta accion que pogue vulnerar es principis d'igualtat d'oportunitats e de liure concurréncia.
 - e) Non realizar accions que meten en risc er interès public.
 - f) Respectar es principis de liure mercat e de concurréncia competitiva, e abstenguer-se de realizar conductes qu'agen per objècte o poguen produsir er efècte d'impedir, restringir o falsejar era competéncia, coma per exemple es comportaments collusòris o de competéncia fraudulenta (aufèrtes de resguard, eliminacion d'aufèrtes, assignacion de mercats, rotacion d'aufèrtes, etc.). Atau madeish, denunciar quinsevolh acte o conducta dirigits a aquères finalitats e relacionats damb er autrejamet de subvencions des quas n'auèsse coneishement.
 - g) Non utilizar informacion confidenciau, coneishuda mejançant era subvencion, entà obtier, directament o indirectament, un auantatge o benefici economic en interès pròpri.
 - h) Observar es principis, es normes e es canons etics pròpris des activitats, es oficis e/o es professions corresponentes as activitats subvencionades.
 - i) Collaborar damb eth Conselh Generau d'Aran enes actuacions qu'aquest realize entath seguiment e/o avaloracion deth compliment dera finalitat dera subvencion, particularament facilitant era informacion que le sigue sollicitada entà aquestes finalitats.

- j) Denonciar es actes des quaus n'agen coneishement e que poguen comportar ua infraccion des obligacions contiengudes en aguesta clausula.
- 3. Er incompliment de quinsevolha des obligacions contiengudes en anterior apartat 2 per part des persones beneficiàries, serà causa de revocacion dera subvencion, sense perjudici d'aqueres autes possibles conseqüències previstes ena legislacion vigenta.

Vielha, 17 de hereuèr de 2016

Carlos Barrera Sánchez
Sindic d'Aran